



**MOGADISHU INVESTMENT COMPLEX LTD**

XEERKA DHISMAHA SHIRKADDA ADEEGA GURYAHA, DHULALKA, SAAMIYADA  
MAALGASHIGA IYO GANACSIYAGA GUUD



**MOGADISHU INVESTMENT COMPLEX LTD**

Mogadishu-Somali

2023

**UJEDDO: DHISMO SHIRKADDA ADEEGA GURYAHA IYO DHULALKA LAGUNA  
MAGACAABO MOGADISHU INVESTMENT COMPLEX LTD.**

**Maanta** oo ay taariikhdu tahay **16/03/2023**, Anigoo ah Dr. Maxamed C/Ilaahi Maxamed “Max’ed Notaayo”, Lehna Nootaayaha Tayo, Xafiisna ku leh Wadada Koowaad ee Suuqa Bakaaraha dhabarka Danbe ee Hotel Waheyn ee Magaalada Muqdisho, Waxaa iiyimid ayagoo heshiis ah, Mudanayaasha hoos ku Xusan, Waxayna ii Cadeeyeen in ay Ku Heshiiyeen in ay Maal gishtaan shirkad qabata adeegyada guryaha, dhulalka, Saamiyada iyo Ganacsiga guud oo ay ugu magic dareen “MOGADISHU INVESTMENT COMPLEX LTD”,

2-SADAQ ADEN SHIQDON, Somali ah, Degan Muqdisho, Lehna Somali Passport No. P01059373, Ahna Gudoomiyaha Guud ee Shirkadda

2- LIBAN AHMED HASSAN, Somali ah, Degan Muqdisho, Lehna Somali Passport No. P00869046, Ahna Gudoomiye Ku Xigeenka Shirkadda

3-ABDULLAHI MOHAMED DAHIR (SEED) Somali ah, Degan Muqdisho Lehna Somali Passport No.P00845521, Ahna Maamulaha shirkadda.

sidaas darted waxay ku heshiiyeen in wax alaale wixii hanti, faa’ido iyo qarash ah oo ay samayso shirkadu ay u qaybsadaan si waafaqsan shareecada Islamka ku salaysan saaami ahaan wixii qof walbe hantida uu shirkadda uu ku darsaday, Ayadoo loo cuskanayo qodobada hoose ee aanu kuwada heshiinay.

**Qodobka 1aad**

**MAGACA SHIRKADDA**

Dhinacyada aan kor ku soo xusay waxay ku heshiiyeen dhismaha Shirkad lagu magacaabo (**MOGADISHU INVESTMENT COMPLEX LTD**) oo leh mas’uuliyad xaddidan, shaqadeeduna tahay bixinta iyo hormarinta adeegyada Guryaha, Dhulalka Saamiya iyo Ganacsiga Guud nooc kaste oo ay tahay oona bulshada Soomaaliyeed u baahan tahay.

**Qodobka 2aad**

**WAQTIGA LA AASAASAY SHIRKADDA**

Shirkadda Mogadishu Investment Complex LTD waxaa la’aasaasay 15/03/2023, waxaana lagu aasaasay magaalada Mogadishu ee ah caasimada Jamuuriyadda Fadaraalka Soomaaliya.

**Qodobka 3aad**

**NOOCA SHIRKADDA**

Nooca iyo Hantida Shirkadda waxay ku dhisan tahay saami xadidan, (LIMITEE LIABILITY) taas oo ah Saamile walba waxaa uu mas’uul iyo damaanad ka noqonkaraa qadar le, eg ama kayar hantiisa inta ay dhantahay, Managerka ayaana iska leh awooda shaqo howledka shirkadda.

### Qodobka 4aad

#### SALDHIGA IYO XARUNTA SHIRKADDA

Saldhiga Xarunta shirkadda ee Mogadishu Investment Complex LTD waa Mogadishu, caasimada Jamuurida Faderaalka ee Soomaaliya, degmada Hodan, gaar ahaan xafada Benadir waxayna xafiisyo iyo laamo ku yeelan kartaa dhamaan dalka gudahiisa iyo dibadiisaba.

### Qodobka 5aad

#### UJEEDOOYINKA LOO AASAASAY SHIRKADDA

1. Bixinta iyo hormarinta adeegyada shirkadda ee bulshada Soomaaliyeed ay u baahan yihiin.
2. Ku baraarujinta bulsahda qiimaha iyo waxtarka caafimaad ahaan ay nadaafadu u leeyahay hab nololeedka bili'aadamka.
3. Bixinta adeega kala iibsiga guryaha, dhulalka Saamiga iyo Ganacsiga Guud noocyadooda kala duwan.
4. Isku xirida iibsadaha iyo gataha adeegyada ganacsiga noocyadiisa kala duwan.
5. Ka faa'idaysiga technology-da cusub ee hormarinta adeegyada ganacsiga Guud.
6. Kiraynta iyo maamulida guryaha iyo dhulalka.
7. Dhisida guryaha noocyadooda kala duwan.

### Qodobka 6aad

#### HANTIDA IYO RAASAMAALKA SHIRKADDA MOGADISHU INVESTMENT COMPLEX LTD

Hantida shirkadda MOGADISHU INVESTMENT COMPLEX LTD waa lacag dhan USD \$2,000,000 (Labo malyan kun oo Doolarka Mareykanka ah) oo u ka kooban 2,000 Saami oo qiimiha Saamigiiba yahay USD 1,000 (Kun Doolarka Mareykanka ah) loona kala leeyahay sidaan hoos ku xusan:-

No	Magaca	Saamiga	Qiimiha saamiga	Wadarta saamiga	Boqolkiiba
1	Liban Ahmed Hassan,	1,000	\$1,000	\$1,000,000	50%
2	Sadaq Aden Shiqdon	800	\$1,000	\$800,000	40%
3	Abdullahi Mohamed Dahir	200	\$1,000	\$200,000	10%
<b>Total</b>		<b>2,000</b>	<b>\$1,000</b>	<b>\$2,000,000.00</b>	<b>100.00%</b>

## **Qodobka 7aad**

### **SAAMIGA IYO HANTIDA SHIRKADDA**

Saamiga shirkadda iyo awooda Saamilaha Mogadishu Investment Complex LTD waxay ka kooban yihiin 2,000 oo Saami oo magacaaban, waxaa looga mid noqon karaa sida ku salaysan qodobada hoose ku xusan.

1. Saamile kaste ee ka mid ah shirkadda Mogadishu Investment Complex LTD wuxuu leeyahya hal cod.
2. Hantida shirkadda waa la kordhin karaa hadii ay isku raacaan xubnaha Saamilayda 2/3.
3. Mogadishu Investment Complex LTD waxaa xubin looga noqon karaa ugu yaraan 100 Saami oo qiimaha saamigiiba yahay \$1,000 iyo wixii kabadan hadii ay ogolaadaan 2/3 Saamilayda shirkadda.

## **Qodobka 8aad**

### **XUQUUQDA XUBNAHA SAAMILAHA SHIRKADDA.**

Saamile kaste waxaa uu xaq u leeyahay sida ku xusan qodobada hoose:-

1. In uu helo warbixin ku saabsan hawlaha shirkadda lixdii biloodba hal mar.
2. In loo soo gudbiyo faa'iido iyo khasaare wixii ka dhashay hawlshaqeedkii lixda bilood.
3. In loo sheego marka la iibinayo ama la kordhinayo Saamiga shirkadda shirna la iskugu yeero.
4. Saamilaha wuxuu shaqaale ka noqon karaa shirkadda haddii uu buuxiyo shuruudaha laga rabo booska banana markaas.
5. Waa in uu helaa cadayn ama shahaado muujinaysa Saamiga uu ku leeyahay shirkadda iyo qiimaha uu marayo.
6. Wuxuu Saamiluhu qaadan karaa ama la bixi karaa Saamigiisa uu ku leeyahay shirkadda marka la sameeyo xisaab xirka sanadka iyo ogolaansho Saamilayda guud.

## **Qodobka 9aad**

### **GADASHADA SAAMIGA SHIRKADDA**

Saamile kaste waxaa uu xaq u leeyahay in uu gato Saamigiisa marka uu rabo waana inuu ugu horayn u gudbiyaa maamulka shirkadda iyadoo qoraal ah, haddii looga gadan waayo mudo 90 maalmood ah wuxuu u madax banaan yahay in uu cidduu doono ka gato, waana in loo diiwaan galiyaa cida haysata shahaada shirciga ah.

## **Qodobka 10aad**

### **QAADASHADA FAA'IDADA IYO KHASAARAH**

Faa'idada iyo Khasaaraha Shirkadda waxaa loo qaybsanayaa sida hoos ku cad:-

1. Waxay ku xadidan tahay qof kaste inta Saami ee uu leeyahay waxaana la qaybinayaa markuu dhamaado xisaab xir kasta ka dib.
2. Faa'idada la helay haddii ay tahay 5% waxaa lagu biirinayaa hantida Shirkadda mana la qaybinayo haddii aysan go'aan ku gaarin gudiga maamulka (Board of Directors).
3. Haddii ay jirto baahi isbalaarin ee Shirkadda faa'idada waxaa go'aaminaya guddiga Saamilayda in lagu kordhiyo raasumaalka iyo in loo qaybiyo Saamilayda Shirkadda.
4. Haddii khasaare ku yimaado Shirkadda, dhinacyada Saamilayda waxay bixinayaan Saami kaste qaybta qasaare ahaan kaga soo aada ee hantida uu shirkadda ku leeyahay.
5. Faa'do xisaabedka inta aan la qaybin waxaa laga goynayaa guno ama abaal marin dhan 25%, waxaana la kala siinayaa 15% gudiga maamulka iyo Shaqaalaha, iyo 5% oo loo dhigayo Shirkadda hadii wax lama filaan ah yimadaan.
6. Sakada waxaa laga bixinayaa faa'idada iyo raasumaalka Shirkadda marka la isku daro, lagana bixiyo dhamaan kharashaadka iyo daymaha Shirkadda waxaana bixinaya guddiga maamulka.
7. Saamile kasta waa in lasiiyo faa'dadiisa loona sheego meesha uu ka qaadanayo iyo waqtiga lasiinayo.

## **Qodobka 11aad**

### **QAAB-DHISMEEDKA SHIRKADDA (FOUNDATION STRUCTURE)**

Shirkadda Mogadishu Investment Complex LTD waxay ka kooban tahay saddex guddi oo kala ah sidaan:-

1. Golaha guud ee Shirkadda (Shareholders)
2. Guddiga Maamulka/Tashiga (Board of Directors)
3. Guddiga Fulinta (Operation team)

### **Qodobka 12aad**

#### **GOLAHA GUUD EE SHIRKADDA**

Golaha guud ee Shirkadda ee Mogadishu Investment Complex LTD waa hay'adda ugu sareysa Shirkadda, waxayna ka kooban tahay dhamaan Saamilayda Shirkadda, xilalka iyo awoodaha golaha guud waa sidaan hoos ku xusan:-

1. Ansixinta miisaaniyadda Shirkadda.
2. Ansixinta qorsha hawleedka Shirkadda.
3. Ansixinta dastuurka, xeerka iyo wax ka bedelkooda ee Shirkadda.
4. Ansixinta xubnaha cusub ee Shirkadda.

### **Qodobka 13aad**

#### **GUDDIGA MAAMULKA/TASHIGA (BOARD OF DIRECTORS)**

Guddiga maamulka Shirkadda waa hay'adda ugu sareysa maamulka Shirkadda, lehna awooda fulinta iyo isku dubaridka shaqo hawleedka Shirkadda waxayna ka kooban yihiin 2 xubnood, awoodaha iyo xilalka guddiga maamulka waa sidaan hoos ku xusanay:-

1. Dejinta qorshaha iyo siyaasadda guud ee Shirkadda.
2. Soojeedinta wax ka bedelka miisaaniyadda Shirkadda.
3. Ka doodida iyo meel marinta heshiisyada ay dhinaca ka tahay Shirkaddu.
4. Magacaabidda guddiga fulinta ee Shirkadda.
5. Xilalka (Gudomiye, Gudomiye Kuxigeen & Xubin)

### **Qodobka 14aad**

#### **WAA JIBAADKA GUDDOOMIYAHA SHIRKADDA**

Waa jibaadka guddoomiyaha Shirkadda Mogadishu Investment Complex LTD waa sidaan:-

1. In uu Saamilayda iskugu yeero xili xisaabeedka iyo go'aan gaarista Saamiga cusub ee Shirkadda lagu kordhinayo.
2. In uu shir guddoomiyo shirarka guddiga maamulka Shirkadda.
3. In uu Shirkadda u matalo hay'adda dawladda.
4. In uu yeesho kormeeridda shaqada iyo habsami u socodka guud ee hawlaha Shirkadda.
5. In uu yeesho hubinta go'aamada guddiga maamulka iyo Saamilayda ee Shirkadda.
6. In uu saxiixo hawlaha iyo heshiisyada Shirkaddu ay la galayso cid kasta iyo hawl kaasta oo danta Shirkaddu ku jirto.

### **Qodobka 15aad**

#### **GUDDIGA FULINTA SHIRKADDA (OPERATION TEAM)**

Guddiga fulinta ee Shirkadda Mogadishu Investment Complex LTD waa madaxda hawl wadeenada kuwaas oo ka kooban agaasimaha waaxda maamulaha iyo Engineers-ka iyo shaqaalaha hawlaha Shirkadda wada.

### **Qodobka 16aad**

#### **KOORAMKA SHIRARKA SHIRKADDA**

1. Shirka golada guud ee Shirkadda kooramka ugu yar ee la isugu yeeri karo waa 2/3 shirka marka arrimaha laga hadlayo ay yihiin kuwo caadi ah.
2. Marka laga hadlayo arrimo muhiim ah sida:- Ansixinta xeerka iyo sharciga dhismaha Shirkadda iyo miisaaniyada wuxuu kooramka noqonayaa 2/3 saddex meelood laba meel ee xubnaha golayaasha Shirkadda.
3. Shirka guddiga maamulka iyo fulinta kooramka uu ku ansaxayo ee ugu yar waa 2/3 ee golaha maamulka & fulinta.

### **Qodobka 17aad**

#### **GO'AAN GAARISTA HAWLAHA SHIRKADDA**

go'aan gaarista guddiga guud ee Shirkadda wuxuu ku ansaxayaa 2/3 marka wax laga beddelayo dastuurka, xeerka iyo hantida Shirkadda inta kale go'aanka waxaa lagu gaarayaa cod hal dheeri ah.

### **Qodobka 18aad**

#### **MHISAANIYADA IYO XISAAB XIRKA SHIRKADDA**

Shirkadda Mogadishu Investment Complex LTD waxay yeelanaysaa labo xisaab xir, xisaab xirka koowaad waxaa uu dhacayaa bil dhamaadka lix biloodba mar sida (Jun iyo Dec) ee sanad kaste waana controlka gudaha oo loo soo gudbinayo guddiga maamulka. Xisaab xirka labaad waxaa uu dhacayaa 31 December ee sanad kaste waana xisaab xirka rasmiga ah ee Shirkadda oo Saamilayda loo soo gudbinayo.

### **Qodobka 19aad**

#### **KA BIXIDA SHIRKADDA**

1. Saamile kasta waxaa ka reebban inuu Saamigiisa uu kala baxo Shirkadda sanad xisaabeedka koowaad ee ku xiga dhismaha Shirkada.
2. Saamile kasta ee raba inuu ka baxo Shirkadda, waa inuu qoraal ku soo codsadaa la bixidda Saamigiisa ugu saddex bilood ka hor xisaab xir sanadeedka.
3. Guddiga maamulka waa inuu go'aan ka gaara qaabka loo bixinayo iyo sida loo buuxinayo booska banaanaaday.
4. Hadii Saamiga lala baxayo ay ka badanyihiin 25% hantida Shirkadda waa in guddiga maamulka oo kaashanaya guddiga Guud go'aan ka gaaro sida loo kabayo ama wax looga baddelayo raasumaalka Shirkadda.
5. Hadii ay maxkamad saarto xayiraad hantida Saamile ka mid ah Shirkadda, maamulka waa inay go'aan ka gaaraan kasii mid noqoshada Shirkadda.

## **Qodobka 20aad**

### **GEERI AMA WAALI KU TIMID XUBIN KA MID AH SAAMILAYDA SHIRKADDA**

1. Qofkii geeriyooda ee ka mid ah xubnaha Saamilayda waxa yeelanaya Saamigiisa dhaxaltooyadiisa, waxaase sharci ah inuu guddiga maamulka ogolaadaan xubinimadiisa Shirkadda.
2. Hadii waali ku timaado xubin ka mid ah Shirkadda waxaa Saamigiisa lagu wareejinayaa dhaxaltooyadiisa sharciga ah ama ciddii kale ee maxkamada u amarto.

## **Qodobka 21aad**

### **BAABI'INTA SHIRKADDA**

Waxay baaba'aysaa Shirkaddu marka la helo qodobada soo socda :-

1. Dhamaanshaha muddada jiritaanka Shirkadda.
2. Go'aan baabi'in ah ee ka soo baxay golaha guud.
3. Hadii shirkadu ay musalafto.
4. Hadii uu soo baxo sharci baabi'inaya Shirkaddaha noocaan ah.

## **Qodobka 22aad**

### **KALA QAYBSIGA HANTIDA SHIRKADA**

Waxaa la magacaabayaa guddi farsamo oo soo aruuriya hantida Shirkadda ee deynta ku maqan iyo midda taala, isla markaasna la bixiyo xuquuqda lagu leeyahay Shirkadda iyadoo lagu saleynaayo xeerka iyo shuruucda lagu dhisay Shirkadda.

## **Qodobka 23aad**

### **SHARCIGA IYO LUQADA HESHIISKA**

1. Luqadaha heshiiska uu ku qoranyahay waxaa asal u ah luqadda Soomaaliga.
2. Marjaca loo noqonayo waa dastuurka Shirkadda iyo qawaaniinta dalka u degsan ee ganacsiga dalka nidaamiya.
3. Wixii fasiraad ah waxaa lala kaashanayaa dadka xirfadoodu tahay hawshaan.
4. Nuqulka Af-Soomaaliga oo ay saxiixeen xubnaha Saamilayda oo dhan waxa lagu keydinayaa xafiiska xarunta Shirkadda iyo goobihii uu tilmaamay qaanuunka.

**Qodobka 24aad**

**WAXII LAGA WAAYO SHARCIGA DHISMAHA**

Wixii aan ku qornayn sharciga dhismaha Shirkadda waxaa loo raacayaa xeerka Shirkadda iyo sharciga Shirkaddaha ee dalka u degsan.

**Qodobka 25aad**

**DHAQAN GALKA SHARCIGA DHISMAHA**

Sharciga dhismaha wuxuu dhaqangalayaa marka ay saxiixaan xubnaha gudoonka ee Shirkadda.

**Qodobka 26aad**

**TIRADA BOGAGA EE HESHIISKA KU QORANYAHAY**

Heshiiskan wuxuu ku qoranyahay Af-Soomaali wuxuuna ka kooban yahay lix & Labatan qodob

Heshiiskan waxaa ila saxiixay Aasaasayaasha Shirkadda, kadib markii ay akhristeen, raalina ay ka noqdeen sida aan u qoray heshiiskan, waa kan saxiixyadooda hoos ku qoran:-

1. Sadaq Aden Shiqdon
2. Liban Ahmed Hassan
3. Abdullahi Mohamed Dahir (Seed)

*Sadaq*  
*Liban*  
*Abdullahi*



**( XAFIISKA NOOTAAYAHA )**

**REP.625/T.P.N/23, Tr. 16/03/2023, Muqdisho, Anigoo ah Nootaayaha Tayo:- Dr. Maxamed C/laahi Maxamed "Max'ed Nootaayo", Waxaan Sugayaa in Saxiixyada Kor Ku Xusan ay yihiin Saxiixyadii Runta ahaa waxaan halkan ku caddeynayaa in heshiiskan dhismaha sharciga Shirkadda ee kor ku xusan uu yahay mid sax ah oo waafaqsan shareecada islaamka iyo shuruucda madaniga ah ee Jamhuuriyadda Federaalka Soomaaliya, islamarkaana ay saxiixeen milkiilayaasha Shirkadda Nootaayaduna waxey hubisay magacyadaas inay yihiin kuwii dhabta ahaa ee lahaa saxiixyadan kor ku xusan, waxaana lagu qoray Diiwaanka guud ee Nootaayada.**



**NOOTAAYAHA**

Dr. Maxamed C/laahi Maxamed "Max'ed Nootaayo"

*Maxamed C/laahi Maxamed "Max'ed Nootaayo"*



+252 612223788 | +252 615353330



Nootaayotayo@gmail.com



Barako Market , Near Waaheen Hotel Mogadishu, Somalia









**FOOMKA BIXINTA DUKUMINTIGA**

**Tr. 18/03/2023**

Aniga oo ah **Maxamed Cabdi Cali** waxaan halkaan ka cadeynayaa in aan ku wareejiyay **Abdullaahi Maxame dDaahir** oo ka Wakiil ah Loo Caddeeye **Liibaan Axmed Xasan** Dukumiintiga **Original** Caddeynta **Rep No. 625/W.P.N/23, Tr. 16/03/2023**, faah faahintiisuna tahay sidan soo socota:

<b>Magaca Loo Caddeeyaha</b>	Liibaan Axmed Xasan
<b>Taariikhda Caddeynta</b>	16/03/2023

**Wakiilka Loo Caddeeye:** Aniga oo ah **Abdullaahi Maxame dDaahir**, Leh Tel No. **61 5901652**, Degan **Muqdisho** Waxaan Halkaan ka Cadeynayaa in aan ka Qaaday Xafiiska **Nootaayaha Waddani** Dukumiintiga Caddeynta faah faahinteedu Sare ku cadahay uuna leeyahay **Liibaan Axmed Xasan**.

Sawir

**SAXIIXA DUKUMINTI BIXIYAHA**

**Maxamed Cabdi Cali**

**SAXIIXA DUKUMINTI QAADAHA**

**Abdullaahi Maxame dDaahir**